

Lutino weng romo pwonye Dul me 12: Too-lit ki Robinson Obot

Acakki: Itye ka dul lwod-wa me Lutino weng romo pwonye. Lwod man jo ma kelo bot-wu en aye Backup Uganda kacel ki Brainstad. I romo winyo dul lwod-wa ni bene ki i wiyamo me internet i wang www.backupuganda.org ki bene ka i tye onyo bedo i Gulu, ci i romo nongo dul lwod man calo dawn ma ki mako ki i Mega FM kacel ki i ka poko jami namo onyo lagal wang ki wer ma ki lwongo ni Divine Video and Music Library. Ki bene i gangi kwan magi; Highland Primary School, Gulu Prison Primary School, Gulu Town Primary School, Mary Immaculate Primary School, St. Joseph Primary School ki Christ the King Demonstration Primary School. Ka i nen i maro dul lwod me pwonye wa ni, ci bed agonya me nywako ki lupaco ni, lurem ki jirani. Ka i nen dano mapol guwinyo pi goro ma yelo lutino i pwonye onyo kwan, ci waromo lweny kacel me konyo lutino wa.

Toolit: Wa jolo wu ka winyo dul lwod wa me apararyo me lutino weng romo pwonye kama tin iya yom wa tye ki ladit ma tiyo ki dul me pwonye I Gulu en obi nyutu nyinge ki dok ticce, an laloki nyinga Toolit ki IBackup Uganda, ladit wa joli dok wa pwoyo ye me nywako lok man kwed wa tin.

Inspector: Apwoyo tutwal ladit Toolit, an nyinga Obwot Robinson an atye lapwony madit ma roto lok me pwonye I Gulu district Local Government dok bene aneno lok kom lutino ma tye ki ngolo iskul ducu.

Toolit: Wa pwoyo tutwal ladit, dok wa pwoyo! dok wa tye ki gen ni kombedi icawani dong gitye ka nyang dong anga ma dong tin wa rwate kwede. Wa miti wa nyang ki tung boti, kwan ma ribo dano weng onyo lutino weng labongo apokapoka in ki tung boti inyang iye ni ngo?

Inspector: Kwan eni ni ma kelo lutino weng, ma leb munu lwongo ni inclusive education, man ene aye pwonye ma dit me gang kal ma dit ma tye Kampala okati kwede me neno ni ki dongo pwonye pa lutino weng, pwonye man tutwale obino pien lutino madwong onongo ki weko gio paco calo lutino ma tye ki ngolo ma patpat, ngolo me it, ngolo me wang, ngolo me tyen, ngolo me wic ki lutino mukene ma nongo gwok cawa mukene gi tye ki two ma yelo gi ma ki lwongo ni two cimo gi, mukene two sickle cell, lutino egoni ka ini neno gi mot nongo pol

kare lunyodo weko gio gang ci dong oweko gang kal me pwonye ma dit oneno ni eno ni pe ber tutwal pien icik twero pa lutino, lutino weng gi romaroma, apokapoka myero obed pe pien ka in ineno ilobo ma dong odongo pe tye latin mo ma ki weko gang wek pe okwan ci dong eni okati ni lutino ma tye kiti enoni gin bene gubedo ki kare dak ki nongo ni lutino ni pe gi te gi iskul mapat kita con nongo time kwede ki nongo ni dongo pa latin ma ber dong loyo ene myero odong ki luwedi gi dok bene odong ipaco gi gudong I community gi ci oweko lok man nii kwan pi lutino weng onyo pwonye pi danoweng kikati kede wek lutino weng kimini gi kare labongo apokapoka moo wek lutino onong pwonye ki kwan maber kacel ki luwodgi!

Toolit: Wa pwoyo tutwal, Wa pwoyo nyec man. Malube kimenu bene, kit ma ewaco kede dogticini nyiyo kit me pwonye dok guru en dul pwonye en ma watye kalok ikome ni kacel . dong yin dogticini tye kacwako dog pwoy man iyo ma nining?

Inspector: An tic ma tiyo ma calo lapwony ma roto skul. Roto skul ma an a roto ni lutino tye iskul, lupwonye tye ka yube pi litino, lutino tye ka kwan, ngo ma nyutu ni lutino tye igang kwan, gin mukene ma atimo me neno ni lapwony tye ki peko ka mo, lapwony mito gimo, calo mini gi kare me training, lapwony mo tye ki goro, pien gin ma pire tek ma lapwony omyero obed kwede, lapwony myero obed ki kero, ryeko, diro wek latin bene obed ki kero me kwan ki pwonye ma ber tic ma wan watiyo me roto skul me neno ni latin tye ka kwan lutino weny tye ka nongo kony ma aa bot lapwony, lutino tika nongo kony ma aa ki bot luyondo, lutino tye ka nongo kony ma aa ki bot lutela ma ki keto gi iskul calo skul management committee ki PTA ma kubu kin luyondo ki skul. Mano tic ma wan wa tiyo pien tic ma wan watiyo me neno ni rwom ma leb munu olwongo ni quality assurance rwom me pwonye ki kwan pa lutino tye ka dongo pien ka in ineno kwan wa me Uganda, jami mapol tye orem ene oweko larot skul omyero cocok obedi iskul nino ducu me neno ni lutino gi tye ka pwoyo gi meno gin ma wan watimo, ci dong ineno ni tic ma an atimo kube ki lok me kwan pi lutino ducu pien wan pe waceto iskul ka nginyo lutino ma tye ki ngolo keken ento pi lutino weng pien policy onyo cik me Uganda cimo ni lutino weng ki minigi kare me pwonye onyo kwan ma romaroma ki lutino mukene ni.

Toolit: Wa pwoyo tutwal, iwajo nene I acaki ne ni eni obedo yub ma dit ma miri me Uganda ene okati kwede I janye ma neno pwonye ki tuku, dong I tamo ni kubedi kwan I Uganda tye

ka tine ma lube ki kit yub ma miri okati kwede ni, ni kwan omyero orib lutino weng labongo apokapoka, itamo ni tye kumeno maber?

Inspector: Pien dong ladit Toolit omyero in inge ni lok me kwan pi lutino weny dong tye macalo policy onyo cik I Uganda. Dong ka ki keto ma macalo policy onyo cik pe tye district mo, pe tye skul mo ma kwero lubu ne keken doo kero kita omyero odong kwede I oyot ene aye tero kare ci I bi nongo ni ka in iceto iskul A, ka dak iceto iskul B wa bi nongo ni apokapoka tye gwok skul A tye ka timo maber ilok me kwan pa lutino eni ni, iromo nongo ni gwok iskul B kero gi dok tye lapiny. Eni ni weng jenge ikum cwak ma tye ka inen luyondo tye ki cwak ma tek, ka inen lupwonye tye ki cwak , ka inen lutela me iskul tye ki cwak tek ci I bi nongo ni kero tye ma patpat, ko keti in iceto iskuls ma tye iGulu, I bi nongo ne bene kumeno, I bi nongo ni skuls mukene tye ka timo maber an skuls ma timo maber pol kare nongo luyondo gu cung ma tek inge skul enoni. Skul ma pe timo maber, I bi nongo ni luyondo ne bene gi goro, gi goro pi ngo pien pe gi cwako skul, pe gi miyo kony, pe gi miyo kero ki skul, ci I bi nongo ni me kwan pa lutino weny I Uganda kero gi tye ma pat pat ento dano weny tye ka cwako ne pien dong tye ma calo cik be dong gi neno ber ne pien dong dano ma pol okwano ite yub me Inclusion dwong an ma loko ni akwano ite yub me inclusion ci dong I bi nongo ni pire tek tutwal ni dano weny omyero ocwak inclusion pien dong pe tye yoo mukene ma latin ma tye ki ngolo twero kwan kwede maber. Ikare ma con in ingenyo ni onongo con gi tamo ni lutino ma tye ki goro eni gu kwan iskul ma meg gi ento pe weko latin dongo dak pwonye maber dong maber loyo weny latin odong kacel ki luwod gi, odong cok ki pajo gi wek ki nyu oceti iskul kama cok ki pajo kama en aa ki iyee.

Toolit: Apwoyo tutwal amaro kit ma ewajo kwede ni man dong tye gin ma gamente dong omiyo tye bot wan dul ma patpat me neni wa ribo cing ci en iyo me ribo cing acel eno ni iwaci yub eni tye ka dongo motmot dak mito kero ma kero eno ni twero bino en iyo acel me ribo cing. Dong I tam ma meg in ineno ni lunywal ki lupwonye gi romo timo gin ango me cwako en ko yub man wek kodi yub eni ni odong dok onyak nyige maber adida kiti dong yub pa miri tye kwede ni?

Inspector: An atamo ni amiyo tam bot lunyodo wa tutwale lunyodo wa omyero gu bed cok ki lupwonye pien pe dong tye ka mo ma pat ki skul kama latin romo nongo iye kwo ma yot, latin

nongo kwo ma yot ki iskul pien ki iskul tye lutino mukene pien iskul tye iye lupwonye ma gu kwano kit ma konyo lutino. I skul ene kama lutela ma patpat me pwonye gi beno iye, ci dong layondo ma miti latin ne onong pwonye maber, omyero obed cok ki skul, omyero obed cok ki lapwony, omyero obed cok ki lutela me skul, omyero bene obed cok ki jo mukene calo I ot yat pien ilok me dongo rwom me pwonye pa lutino weng, skul keken pe romo cobo ne, cawa mukene latin mito kio me aruka wek I kwan maber, latin miti iruk gin ma ki lwongo ni earing aid wek iwiny lok maber, latin tye ki peko me wot, latin miro jami ma konyo wot maber onyo latin mito gari pa lungolo. Ci dong inongo ni skul pe miyo jami eni ni, ci dong jang tic mukene aa ki bot yot kum ma dong wa romo lwongo gi ni service providers omyero bene lanyodo onong ngec ki iskul ni latin na ni aromo cwalo ne kwene, latin na romo nongo kony ma kuman ni kwene, ci dong oweko maber loyo weng lanyodo obed cok ki skul wek lanyodo onge jami ma pol ma en romo timo ne ki kama en romo ceto iye wek inong kony ma romo weko latin ne kwano maber.

Toolit: Wa pwoyo tutwal ma lube ki meno dok tye me gum kama wan Backup Uganda ki dul ma patpat ma gi tye ka yeke me lubu ko pwonye me neno ni yub ducu ma miri okati kwede me neno ni kwan yub gi macalo kuman otiyo maber tye ka nyako nyige kama wa neno lupwonye igang kwan ma patpat tye ka nongo pwony ma kato ne en ma dok ibute me neno ni gi bedo ki diro ki ngec ducu me cwako ko pwony dak cuku ko pwony en yub ma ribo lutino ducu labong apokapoka ni. Dong lunywal mapol pol kare pe gi nyang ngolo onyo goro ma lutino gi bedo kwede iyo me pwonye, dong tam ango ma in I miyo bot lunywal keti dong gu nyang ni latin ma calo mega onyo megwa tye ki goro macalo man iyo me pwonye, dong omyero gu tim gin ango?

Inspector: Ka inen layondo onyang, en tye ki latin ma tye ki ngolo gin ma pire tek pol kare ka inen ngec peke pien ka ngec peke ci teloke ni layondo pe ngenyo ngo ma miri en I tim. Ci dong pire tek tutwal ni layondo mire okube ki skulk a latin dong oo mwaka me cero iskul, layondo romo kube ki skul, skul romo miyo ngec madwong ki layondo, layondo bene romo nongo diro ma patpat kit me konyo latin ne. Ot yat bene layondo romo nongo ngec I ngo ma omyero en I tim pien cawa mukene tye goro onyo ngolo ma nongo tye ikum latin ma ka dakta otiyo ci yubu olo too weko latin bedo ki kero moni, ci dong layondo miri ko obed gang ki latin ni, layondo miro onong kony, miro onong tam, miro onong kony ma aa ki iskul kony ma



Gulu, Uganda / Zwolle, The Netherlands

E-mail: info@backupuganda.org

Web: www.backupuganda.org

Tel: UG +256 7 72630078

NL +31 38 4604615

aa ki ot yat wek en obed ki kero ki tam ma ati, gin ma pol kare balo tam pa lunyodo wa ene tam ma con ni latin ma dong tye langolo konye dong peke meno tam ma dano bedo kwede, ento I lok me pwonye pire tek tutwal ni pwonye ene yoo acel ma romo kelo kero ikum latin kadi tye ki ngolo ma nining kelo kero pien en latin ka dong inen tye icing lapwony latin romo nongo kero me pwony iyo ma patpat.

Toolit: Wa pwoyo tutwal ladit wa pwoyo lok me nywako ageno ni bi bedo me pwony ma dit tutwal ma kato ne bot dul ma patpat magi winyo dul lwod wa ma ki lwong ni lutino weny romo pwonye kama wan ki tung bot wa ma calo Backup Uganda wan wa yee dok wa moko ni lutino ducu romo pwonye. Wa pwoyo tutwal.

Agikki: Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami matimei romo nongo i wang website www.backupuganda.org onyo i facebook, instagram, Twitter kacel ki LinkedIn.